

大佛頂首楞嚴經

火



大佛頂如來密目脩證了義諸菩薩萬行首

楞嚴經卷第七



唐天竺沙門般剌密帝譯 烏萇國沙門彌伽什迦譯語

菩薩戒弟子前正議大夫同中書門下平章事清河房融筆受

阿難汝問攝心。戒今先說入三摩地。脩學妙
門。求菩薩道。要先持此四種律儀。皎如冰霜。
自不能生一切枝葉。心三口四。生必無目阿
難。如是曰事若不遺失。心尚不緣色香味觸。

楞嚴卷七

一

一切魔事云何發生。若有宿習不能滅除。汝
敬是人一心誦我佛頂光明摩訶薩怛多般
怛羅無上神呪。斯是如來無見頂相無為心
佛從頂發輝坐寶蓮華所說心呪。且汝宿世
與摩登伽。歷劫目緣。思愛習氣。非是一生及
與一劫。戒一宣揚。愛心永脫。成阿羅漢。彼尚
媼女無心惰行。神力冥資。速證無學。云何汝
等在會。聲聞求最上乘。決定成佛。譬如以塵

揚於順風。有何艱險。若有末世。設二道場。先
持比丘清淨禁戒。要當選擇戒行淨者。第一
沙門。以為其師。若其不遇真清淨僧。汝戒律
儀必不成就。戒成已後。著新淨衣。然香間居。
誦此心佛所說神呪。一百八遍。然後結界。建
立道場。求於十方。現任國土。無上如來。放大
悲光。來灌其頂。阿難。如是末世清淨比丘。若
比丘尼。白衣檀越。心滅貪媼。持佛淨戒。於道

場中發菩薩願。出入澡浴。六時行道。如是不寐。經三七日。我自現身至其人前。摩頂安慰。令其開悟。

阿難白佛言。世尊。我蒙如來無上悲誨。心已開悟。自知脩證。無學道成。末法脩行。建立道場。云何結界。合佛世尊清淨軌則。佛告阿難。若末世人。願立道場。先取雪山大力白牛。食其山中肥膩香草。此牛唯飲雪山清水。其糞

微細。可取其糞。和合梅檀。以泥其地。若非雪山。其牛臭穢。不堪塗地。別於平原。穿去地皮。五尺以下。取其黃土。和上梅檀。沉水。蘇合。薰陸。鬱金。白膠。青木。零陵。甘松。及鷄舌香。以此十種細羅為粉。合土成泥。以塗場地。方圓丈六。為八角壇。壇心置一金銀銅木所造蓮華。華中安鉢。鉢中先盛八月露水。水中隨安所有華葉。取八圓鏡。各安其方。圍繞華鉢。鏡外

建立十六蓮華。十六香爐。間華鋪設莊嚴。香
鑪。純燒沉水。無令見火。取白牛乳。置十六器。
乳為煎餅。并諸砂糖油餅。乳糜蘇合蜜薑純
酥。純蜜。於蓮華外各各十六。圍繞華外。以奉
諸佛及大菩薩。每以食時。若在中夜。取蜜半
升。用酥三合。壇前別安一小火爐。以甕樓婆
香煎。取香水沐浴其炭。然令猛熾。投是酥蜜
於炎爐內。燒令煙盡。享佛菩薩。令其四外編

懸幡華。於壇室中。四壁敷設十方如來及諸
菩薩所有形像。應於當陽。張盧舍那。釋迦。彌
勒。阿閼。彌陀。諸大變化觀音形像。兼金剛藏。
安其左右。帝釋。梵王。烏芻瑟摩。并藍地迦。諸
軍荼利。與毗俱胝。四天王等。頻那夜迦。張於
門側。左右安置。又取八鏡。覆懸虛空。與壇場
中所安之鏡。方面相對。使其形影。重重相涉。
於初七中。至誠頂禮十方如來諸大菩薩阿

羅漢號。恒於六時誦呪圍壇。至心行道。一時
常行一百八遍。第二七中。一向專心發菩薩
願心無間斷。戒毗奈耶先有願教。第三七中。
於十二時一向持佛般若。怛羅呪。至第七日。十
方如來一時出現。鏡交光處。承佛摩頂。即於
道場脩三摩地。能令如是末世脩學身心明
淨。猶如瑠璃阿難。若此比丘。本受戒師。及同
會中十比丘等。其中有一不清淨者。如是道

場多不成就。從三七後。端坐安居。經一百日。
有利根者。不起于座。得須陀洹。縱其身心聖
果未成。決定自知成佛不謬。汝問道場。建立
如是。

阿難頂禮佛足。而白佛言。自我出家。恃佛憍
愛。求多聞故。未證無為。遭彼梵天邪術所禁。
心雖明了。力不自由。賴遇文殊。令我解脫。雖
蒙如來佛頂神呪。冥獲其力。尚未親聞。惟願

大慈重為宣說。悲救此會諸脩行輩。未及當
來在輪迴者。承佛密音。身意解脫。于時會中
一切大衆。普皆作禮。佇聞如來秘密章句。尔
時世尊從肉髻中。涌百寶光。光中涌出千葉
寶蓮。育化如來。坐寶華中。頂放十道百寶光
明。一一光明。皆徧示現。十恒河沙。金剛密迹。
擎山持杵。徧虛空界。大衆仰觀。畏愛兼抱。求
佛哀祐。一心聽佛。無見頂相。放光如來宣說。

神呪

南無薩怛他蘇伽多耶阿羅訶帝三藐三菩
陀寫薩怛他佛陀俱胝瑟尼釤南無薩婆勃
陀勃地薩跢鞞弊南無薩多南三藐三菩陀
俱知南娑舍囉婆迦僧伽喃南無盧雞阿羅
漢跢喃南無蘇盧多波那喃南無婆羯唎陀
伽彌喃南無盧雞三藐伽跢喃三藐伽波囉
底波多那喃南無提婆離瑟赦南無悉陀耶

毗地耶陀囉離瑟赦舍波奴揭囉訶娑訶娑
囉摩他喃南無跋囉訶摩泥南無目陀囉耶
南無婆伽婆帝嚧陀囉耶烏摩般帝娑醯夜
耶南無婆伽婆帝那囉野拏耶槃遮摩訶三
慕陀囉南無悉羯唎多耶南無婆伽婆帝摩
訶迦囉耶地唎般刺那伽囉毗陀囉波拏迦
囉耶阿地目帝尸摩舍那泥婆悉泥摩怛唎
伽拏南無悉羯唎多耶南無婆伽婆帝多他

伽跢俱囉毗南無般頭摩俱囉耶南無跋闍
囉俱囉耶南無摩尼俱囉耶南無伽闍俱囉
耶南無婆伽婆帝帝唎荼輸囉西那波囉訶
囉拏囉闍耶跢他伽多耶南無婆伽婆帝南
無阿弥多婆耶哆他伽多耶阿囉訶帝三藐
三菩陀耶南無婆伽婆帝阿芻鞞耶哆他伽
多耶阿囉訶帝三藐三菩陀耶南無婆伽婆
帝鞞沙闍耶俱盧吠柱唎耶般囉婆囉闍耶

跋他伽多耶。南無婆伽婆帝。三補師毖多。薩
憐捺囉刺闍耶。跋他伽多耶。阿囉訶帝。三藐
三菩陀耶。南無婆伽婆帝。舍雞耶母那曳。跋
他伽多耶。阿囉訶帝。三藐三菩陀耶。南無婆
伽婆帝。刺怛那雞多囉闍耶。跋他伽多耶。阿
囉訶帝。三藐三菩陀耶。帝飄南無薩羯唎多。
賢曇婆伽婆多。薩怛他伽都瑟尼釤。薩怛多
般怛嚩。南無阿婆囉視耽。般囉帝揚岐囉。薩

囉婆部多揭囉訶。尼揭囉訶揭迦囉訶尼跋
囉毖地耶叱陀你。阿迦囉密唎柱。般唎怛囉
耶寧揭唎。薩囉婆緊陀那目叉尼。薩囉婆突
瑟吒。突悉乏般那你伐囉尼。赭都囉失帝南。
羯囉訶娑訶薩囉若闍毗多崩娑那羯唎。阿
瑟吒冰舍帝南。那叉刹怛囉若闍波囉薩陀
那羯唎。阿瑟吒南。摩訶揭囉訶若闍毗多崩
薩那羯唎。薩婆舍都嚩你婆囉若闍呼藍突

悉之難遮那舍尼。沙舍悉怛囉。阿吉尼烏
陀迦囉若闍。阿般囉視多具囉。摩訶般囉戰
持摩訶疊多摩訶帝闍摩訶稅多闍婆囉。摩
訶跋囉槩陀囉婆悉你。阿唎耶多囉。毗唎俱
知。誓婆毗闍耶。跋闍囉摩禮底。毗舍嚧多勃
騰罔迦。跋闍囉制喝那阿遮。摩囉制婆般囉
質多。跋闍囉擅持。毗舍囉遮扇多舍鞞提婆
補視多。蘇摩嚧波摩訶稅多。阿唎耶多囉。摩

訶婆囉阿般囉。跋闍囉商羯囉制婆。跋闍囉
俱摩唎。俱藍陀唎。跋闍囉喝薩多遮。毗地耶
乾遮那摩唎迦。嚧蘇毋婆羯囉。那鞞嚧遮
那俱唎耶。夜囉菟瑟尼。鈇毗打藍婆摩尼遮。
跋闍囉迦那迦波囉婆。嚧闍那跋闍囉頗稚
遮稅多遮迦摩囉。刹奢尸波囉婆。翳帝夷帝
母陀囉羯拏。娑鞞囉憾。掘梵都。印索那麼麼
寫烏鉢唎瑟揭拏。般刺舍悉多。薩怛他伽都

瑟尼釤。帛舛。都嚧雍。瞻婆那。帛舛。都盧雍。悉
耽婆那。帛舛。都嚧雍。波羅瑟地耶三般叉拏
羯囉。帛舛。都嚧雍。薩婆藥叉喝囉刹娑。揭囉
訶若闍。毗騰崩薩那羯囉。帛舛。都嚧雍。者都
囉尸底南。揭囉訶娑訶薩囉南。毗騰崩薩那
囉。帛舛。都盧雍。囉叉。娑伽梵。薩担他伽都必
尼釤。波囉點闍吉喇。摩訶娑訶薩囉。勃祿娑
訶薩囉室喇沙。俱知娑訶薩泥帝囉。阿弊錄

視婆喇多。吒吒毘迦。摩訶跋闍嚧陀囉。帝利
菩婆那。曼荼囉烏舛。莎悉帝薄婆都。麼麼。印
兔那麼麼寫。囉闍婆夜。主囉跋夜。阿祇尼婆
夜。烏陀迦婆夜。毗沙婆夜。舍薩多囉婆夜。婆
囉斫羯囉婆夜。突瑟叉婆夜。阿舍你婆夜。阿
迦囉密喇柱婆夜。陀囉尼部弥劍波伽波陀
婆夜。烏囉迦婆多婆夜。刺闍壇茶婆夜。那伽
婆夜。毗條怛婆夜。蘇波囉拏婆夜。藥叉揭囉

訶囉。又私揭囉訶。畢唎多揭囉訶。毗舍遮揭
囉訶。部多揭囉訶。鳩槃荼揭囉訶。補丹那揭
囉訶。迦吒補丹那揭囉訶。悉乾度揭囉訶。阿
播悉摩囉揭囉訶。烏檀摩院揭囉訶。車夜揭
囉訶。醯唎婆帝揭囉訶。社多訶唎南。揭婆訶
唎南。噓地囉訶唎南。忙娑訶唎南。謎陀訶唎
南。摩闍訶唎南。闍多訶唎女。視比多訶唎南。
唎多訶唎南。婆多訶唎南。阿輸遮訶唎女。質

多訶唎女。帝鈇薩鞞鈇。薩婆揭囉訶南。毗陀
耶闍。瞋陀夜弥。雞囉夜弥。波唎跋囉者迦訶
唎擔。毗陀夜闍。瞋陀夜弥。雞囉夜弥。茶演尼
訶唎擔。毗陀夜闍。瞋陀夜弥。雞囉夜弥。摩訶
鞞輸。鞞怛夜。噓陀囉訶唎擔。毗陀夜闍。瞋陀
夜弥。雞囉夜弥。那囉夜拏訶唎擔。毗陀夜闍。
瞋陀夜弥。雞囉夜弥。怛埵伽噓茶西訶唎擔。
毗陀夜闍。瞋陀夜弥。雞囉夜弥。摩訶迦囉摩

但唎伽拏訖唎擔毗陀夜闍瞋陀夜弥雞囉
夜弥迦波唎迦訖唎擔毗陀夜闍瞋陀夜弥
雞囉夜弥闍耶羯囉摩度羯囉薩婆囉他娑
達那訖唎擔毗陀夜闍瞋陀夜弥雞囉夜弥
赭咄囉婆者你訖唎擔毗陀夜闍瞋陀夜弥
雞囉夜弥毗唎羊訖唎知雞陀雞沙囉伽拏
般帝索醯夜訖唎擔毗陀夜闍瞋陀夜弥鷄
囉夜弥那揭那舍囉婆拏訖唎擔毗陀夜闍

瞋陀夜弥雞囉夜弥阿羅漢訖唎擔毗陀夜
闍瞋陀夜弥雞囉夜弥毗多囉伽訖唎擔毗
陀夜闍瞋陀夜弥雞囉夜弥跋闍囉波你具
醯夜具醯夜迦地般帝訖唎擔毗陀夜闍瞋
陀夜弥雞囉夜弥囉义罔婆伽梵印兔那麼
麼寫婆伽梵薩但多般怛囉南無粹都帝阿
悉多那囉刺迦波囉婆悉普吒毗迦薩但多
鉢帝唎什佛囉什佛囉陀囉陀囉頻陀囉頻

陀囉瞋陀瞋陀。虜餅。虜餅。泮吒。泮吒。泮吒。泮吒。泮吒。娑訶。醯醯泮。阿牟迦耶泮。阿波囉提訶多泮。婆囉波囉陀泮。阿素囉毗陀囉波迦泮。薩婆提鞞弊泮。薩婆那伽弊泮。薩婆藥叉弊泮。薩婆乾闥婆弊泮。薩婆補丹那弊泮。迦吒補丹那弊泮。薩婆突狼枳帝弊泮。薩婆突澀比啤訖瑟帝弊泮。薩婆什婆唎弊泮。薩婆阿播悉摩啤弊泮。薩婆舍囉婆拏弊泮。薩婆

地帝雞弊泮。薩婆怛摩陀繼弊泮。薩婆毗陀耶囉誓遮啤弊泮。闍夜羯囉摩度羯囉。薩婆惡他娑陀雞弊泮。毗地夜遮唎弊泮。耆都囉縛耆你弊泮。跋闍囉俱摩唎。毗陀夜囉誓弊泮。摩訶波囉丁羊叉耆唎弊泮。跋闍囉商羯囉夜。波囉叉耆囉闍耶泮。摩訶迦囉夜。摩訶末但唎迦拏。南無娑羯唎多夜泮。毘瑟拏婢曳泮。勃囉訶牟尼曳泮。阿耆尼曳泮。摩訶羯

唎曳泮。羯囉檀遲曳泮。蔑怛唎曳泮。嚩怛唎
曳泮。遮文茶曳泮。羯邏囉怛唎曳泮。迦般唎
曳泮。阿地目質多加尸摩舍那。婆私你曳泮。
演吉質薩埵婆寫。麼麼印兔那麼麼寫。突瑟
吒質多阿末怛唎質多烏闍訶囉。伽婆訶囉。
噓地囉訶囉。婆娑訶囉。摩闍訶囉。闍多訶囉。
視怛多訶囉。跋略夜訶囉。乾陀訶囉。布史波
訶囉。頗囉訶囉。婆寫訶囉。般波質多。突瑟吒

質多。嚩陀囉質多。藥叉揭囉訶囉。刹娑揭囉
訶。閉隸多揭囉訶。毗舍遮揭囉訶。部多揭囉
訶。鳩槃荼揭囉訶。悉乾陀揭囉訶。烏怛摩陀
揭囉訶。車夜揭囉訶。阿播薩摩囉揭囉訶。宅
祛華荼耆尼揭囉訶。唎佛帝揭囉訶。闍弥迦
揭囉訶。舍俱尼揭囉訶。姥陀囉難地迦揭囉
訶。阿藍婆揭囉訶。乾度波尼揭囉訶。什伐囉
埵迦醯迦墜帝藥迦。怛隸帝藥迦。者突託迦。

眠提什伐囉。必鈇摩什伐囉。薄底迦。鼻底迦。
室隸瑟蜜迦。娑你般帝迦。薩婆什伐囉。室盧
吉帝。末陀鞞達。盧制劍。阿綺盧鉗。目佉盧鉗。
羯唎突。盧鉗。揭囉訶。揭藍。羯拏輸藍。憚多輸
藍。迄唎夜輸藍。末麼輸藍。跋唎室婆輸藍。必
栗瑟吒輸藍。烏陀囉輸藍。羯知輸藍。跋悉帝
輸藍。耶盧輸藍。常伽輸藍。喝悉多輸藍。跋陀
輸藍。娑房盎伽般囉丈伽輸藍。部多必路茶。

茶者尼什婆囉。陀突盧迦。建出盧吉。知婆路
多毗。薩般囉訶。凌伽。輸沙。怛囉娑那。羯囉毗
沙。喻迦。阿耆尼。烏陀迦。末囉鞞囉。寔多囉。阿
迦。羅蜜唎。咄怛。欽部迦。地栗刺吒。必唎瑟質
迦。薩婆那。俱囉。肆引伽。弊揭囉唎。藥叉。怛囉
曷。末囉視。吠帝鈇。娑鞞鈇。悉怛多鉢。怛囉。摩
訶跋闍。嚧瑟尼鈇。摩訶般賴。夫耆藍。夜波突
陀舍。喻闍那。辯怛隸拏。毗陀耶。槃曇迦。盧菴。

帝殊槃曇迦噓弥般囉毗陀槃曇迦噓弥殊
姪他。唵阿那隸。毗舍提鞞囉跋闍囉陀利槃
陀槃陀你跋闍囉謗尼泮。帝鉢都噓彌泮。莎
婆訶。

呵難。是佛頂光。聚悉怛多。般怛囉。秘密伽陀。
微妙章句。出生十方一切諸佛。十方如來自
此呪心。得成無上正徧知覺。十方如來執此
呪心。降伏諸魔。剷諸外道。十方如來乘此呪

心。坐寶蓮華。應微塵國。十方如來含此呪心。
於微塵國轉大法輪。十方如來持此呪心。能
於十方摩頂授記。自果未成。亦於十方蒙佛
授記。十方如來依此呪心。能於十方拔濟羣
苦。所謂地獄。餓鬼。畜生。盲聾。瘖瘂。怨憎會苦。
愛別離苦。求不得苦。五陰熾盛。大小諸橫。同
時解脫。賊難。兵難。王難。獄難。風火水難。飢渴
貧窮。應念銷散。十方如來隨此呪心。能於十

方事善知識。四威儀中。供養如意。恒沙如來會中。推為大法王子。十方如來行此呪心。能於十方攝受親因。令諸小乘聞秘密藏。不生驚怖。十方如來誦此呪心。成無上覺。坐菩提樹。入大涅槃。十方如來傳此呪心。於滅度後。付佛法事。究竟住持。嚴淨戒律。悉得清淨。若我說是佛頂光聚。般怛羅呪。從旦至暮。音聲相際。字句中間。亦不重疊。經恒沙劫。終不能

盡。亦說此呪。名如來頂。汝等有學。未盡輪迴。發心至誠。取阿羅漢。不持此呪。而坐道場。令其身心。遠諸魔事。無有是處。阿難。若諸世界。隨所國土。所有衆生。隨國所生。椶皮。貝葉。紙。素。白氈。書寫此呪。貯於香囊。是人心昏。未能誦憶。或帶身上。或書宅中。當知是人。盡其生年。一切諸毒。所不能害。阿難。我今為汝更說此呪。救護世間。得大無畏。成就衆生。出世間。

智。若我滅後末世衆生。有能自誦。若教他誦。當知如是持誦。衆生。火不能燒。水不能溺。大毒小毒。所不能害。如是乃至龍天鬼神精祇。魔魅所有惡呪。皆不能著。心得正受。一切呪詛。厭盡毒藥。金毒銀毒。草木虫蛇萬物毒氣。入此人口。成甘露味。一切惡星并諸鬼神。碎心毒人。於如是人。不能起惡。頻那夜迦諸惡鬼王并其眷屬。皆領深息。常加守護。阿難當

知是呪。常有八萬四千那由他恒河沙俱胝金剛藏王菩薩種族。一一皆有諸金剛衆。而為眷屬。晝夜隨侍。設有衆生。於散亂心。非三摩地。心憶口持。是金剛王常隨從。彼諸善男子。何況決定菩提心者。此諸金剛菩薩藏王。精心陰速。發彼神識。是人應時。心能記憶。八萬四千恒河沙劫。周徧了知。得無疑惑。從第一劫乃至後身。生生不生藥叉。羅刹。及富單

那迦吒富單那鳩摩荼毗舍遮等并諸餓鬼。有形無形。有想無想。如是惡處。是善男子。若讀若誦。若書若寫。若帶若藏。諸色供養。劫劫不生貧窮下賤。不可樂處。此諸衆生。縱其自身不作福業。十方如來所有功德。悉與此人。由是得於恒河沙阿僧祇。不可說不可說劫。常與諸佛同生一處。無量功德。如惡又聚。同處熏脩。永無分散。是故能令破戒之人。戒根

清淨未得戒者。令其得戒。未精進者。令得精進。無智慧者。令得智慧。不清淨者。速得清淨。不持齋戒。自成齋戒。阿難。是善男子持此呪時。設犯禁戒。於未受時持呪之後。衆破戒罪。無問輕重。一時銷滅。縱經飲酒食噉五辛。種種不淨。一切諸佛菩薩金剛天仙鬼神。不將為過。設著不淨破弊衣服。一行一住。悉同清淨。縱不作壇。不入道場。亦不行道誦持此呪。

還同入壇行道功德。無有異也。若造五逆無
間重罪。及諸比丘比丘尼四棄八棄。誦此呪
已。如是重業。猶如猛風吹散沙聚。悉皆除滅。
更無毫髮阿難。若有衆生。從無量無數劫來。
所有一切輕重罪障。從前世來。未及懺悔。若
能讀誦書寫此呪。身上帶持。若安住處。莊宅
園館。如是積業。猶湯銷雪。不久皆得悟無生
忍。

復次阿難。若有女人。未生男女。欲求孕者。若
能至心憶念斯呪。或能身上帶此。悉怛多般
怛羅者。便生福德智慧男女。求長命者。即得
長命。欲求果報速圓滿者。速得圓滿。身命色
力。亦復如是。命終之後。隨願往生十方國土。
必定不生邊地下賤。何況雜形。阿難。若諸國
土州縣聚落。飢荒疫癘。或復刀兵賊難鬪諍。
兼餘一切厄難之地。寫此神呪。安城四門。并

諸支提。或毗闍上。令其國土所有衆生奉迎。斯呪禮拜恭敬一心供養。令其人民各各身佩。或各各安所居宅地。一切災厄悉皆銷滅。阿難。在在處處國土衆生。隨有此呪。天龍歡喜。風雨順時。五穀豐茂。兆庶安樂。亦復能鎮一切惡星。隨方變怪。災障不起。人無橫夭。杻械枷鎖不着其身。晝夜安眠。常無惡夢。阿難。是娑婆界有八萬四千災變惡星。二十八

惡星而為上首。復有八大惡星。以為其主。作種種形。出現世時。能生衆生種種災異。有此呪地。悉皆銷滅。十二由旬成結界地。諸惡災祥永不能入。是故如來宣示此呪。於未來世。保護初學諸修行者。入三摩地。身心泰然。得大安隱。更無一切諸魔鬼神。及無始來冤橫宿殃。舊業。陳債。來相惱害。汝及衆中諸有學人。及未來世諸修行者。依我壇場。如法持戒。

所受戒主逢清淨僧。於此呪心不生疑悔。是善男子。於此父母所生之身。不得心通。十方如來便為妄語。說是語已。會中無量百千金剛。一時佛前合掌頂禮。而白佛言。如佛所說。我當誠心保護。如是脩菩提者。爾時梵王。并天帝釋。四天大王。亦於佛前同時頂禮。而白佛言。審有如是脩學善人。我當盡心至誠保護。令其一生所作如願。復有無量藥。又大將

諸羅刹王。富單那王。鳩槃荼王。毗舍遮王。頻那夜迦。諸大鬼王。及諸鬼神。亦於佛前合掌頂禮。我亦誓願護持是人。令菩提心速得圓滿。復有無量日月天子。風師。雨師。雲師。雷師。并電伯等。年歲巡官。諸星眷屬。亦於會中頂禮佛足。而白佛言。我亦保護是脩行人。安立道場。得無所畏。復有無量山神。海神。一切土地。水陸空行。萬物精祇。并風神王。無色界天。

於如來前同時稽首而白佛言。我亦保護具
脩行人。得成菩提。永無魔事。爾時八萬四千
那由他恒河沙俱胝金剛藏王菩薩。在大會
中。即從座起。頂禮佛足。而白佛言。世尊。如我
等輩。所脩功業。久成菩提。不取涅槃。常隨此
呪救護。末世脩三摩提正脩行者。世尊。如是
脩心求正定人。若在道場及餘經行。乃至散
心遊戲聚落。我等徒眾。常當隨從侍衛此人。

縱令魔王大自在。在天求其方便。終不可得。諸
小鬼神。去此善人十由旬外。除彼發心樂脩
禪者。世尊。如是惡魔。若魔眷屬。欲來侵擾。是
善人者。我以寶杵殞碎其首。猶如微塵。恒令
此人所作如願。

阿難。即從座起。頂禮佛足。而白佛言。我輩愚
鈍。好為多聞。於諸漏心。未求出離。蒙佛慈誨。
得正熏脩。身心快然。獲大饒益。世尊。如是脩

證佛三摩提未到涅槃。云何名為乾慧之地。
四十四心。至何漸次。得脩行目。詣何方所。名
入地中。云何名為等覺菩薩。作是語已。五躄
投地。大眾一心。佇佛慈音。瞪瞞瞻仰。爾時世
尊讚阿難言。善哉善哉。汝等乃能普為大眾
及諸末世一切眾生。脩三摩提求大乘者。從
於凡夫終大涅槃。懸示無上正脩行路。汝今
諦聽。當為汝說。阿難大眾合掌。剎心默然受

教。佛言。阿難。當知妙性圓明。離諸名相。本來
無有世界眾生。因妄有生。因生有滅。生滅名
妄。滅妄名真。是稱如來無上菩提。及大涅槃。
二轉依號。阿難。汝今欲脩真三摩地。直詣如
來大涅槃者。先當識此眾生世界。二顛倒。曰。
顛倒不生。斯則如來真三摩地。阿難。云何名
為眾生顛倒。阿難。由性明心。性明圓故。曰明
發性。性妄見生。從畢竟無成。究竟有此有所

有非因所因。住所住相了無根本。本此無住。建立世界及諸衆生。迷本圓明。是生虛妄。妄性無體。非有所依。將欲復真。欲真已非。真真如性。非真求復。宛成非相。非生非住。非心非法。展轉發生。生力發明。熏以成業。同業相感。因有感業相滅相生。由是故有衆生顛倒。阿難。云何名為世界顛倒。是有所有分段妄生。因此界立。非因所因。無住所住。遷流不住。因

此世成。三世四方和合相涉。變化衆生成十二類。是故世界曰動有聲。曰聲有色。曰色有香。因香有觸。曰觸有味。因味知法。六亂妄想。成業性故。十二區分。由此輪轉。是故世間聲香味觸窮十二變。為一旋復。乘此輪轉。顛倒相故。是有世界。卵生。胎生。溼生。化生。有色無色。有想無想。若非有色。若非無色。若非有想。若非無想。阿難。由因世界虛妄輪迴。動顛倒

故和合氣成八萬四千飛沉亂想。如是故有
卵羯羅藍流轉國土。魚鳥龜蛇。其類充塞。由
曰世界雜染輪迴。欲顛倒故。和合滋成八萬
四千橫豎亂想。如是故有胎遏蒲曇流轉國
土。人畜龍仙。其類充塞。由曰世界執著輪迴。
趣顛倒故。和合煖成八萬四千翻覆亂想。如
是故有溼相殺尸流轉國土。含蠢蠕動。其類
充塞。由曰世界變易輪迴。假顛倒故。和合觸

成八萬四千新故亂想。如是故有化相羯南
流轉國土。轉蛻飛行。其類充塞。由因世界留
碍輪迴。障顛倒故。和合著成八萬四千精耀
亂想。如是故有色相羯南流轉國土。休咎精
明。其類充塞。由因世界銷散輪迴。惑顛倒故。
和合暗成八萬四千陰隱亂想。如是故有無
色羯南流轉國土。空散銷沉。其類充塞。由曰
世界罔象輪迴。影顛倒故。和合憶成八萬四

千潛結亂想。如是故有想相。羯南流轉國土。神鬼精靈。其類充塞。由曰世界愚鈍輪迴。癡顛倒故。和合頑成。八萬四千枯槁亂想。如是故有無想。羯南流轉國土。精神化為土木金石。其類充塞。由曰世界相待輪迴。偽顛倒故。和合染成。八萬四千因依亂想。如是故有非有色相成。色羯南流轉國土。諸水母等。以蝦為目。其類充塞。由曰世界相引輪迴。性顛倒

故。和合呪成。八萬四千呼召亂想。由是故有非無色相。無色羯南流轉國土。呪詛厭生。其類充塞。由曰世界合妄輪迴。罔顛倒故。和合異成。八萬四千迴互亂想。如是故有非有想相成。想羯南流轉國土。彼蒲盧等異質相成。其類充塞。由曰世界怨害輪迴。殺顛倒故。和合怪成。八萬四千食父母想。如是故有非無想相。無想羯南流轉國土。如土泉等附塊為

兕及破鏡鳥以毒樹果抱為其子。子成父母皆遭其食。其類充塞。是名眾生十二種類。

大佛頂如來密目脩證了義諸菩薩萬行首

楞嚴經卷第七

寐音昧卧也 軌音葵車跡 臙音義垢 鬱音尉草香

鈿音散大鑣 勃音白卒也 踳音觀兕行 鞞音文 滌

必音被疏也 曳音意引也 刺音臘戾也 醫音衣淨

噓音盪声也 眈音丹 樂音能困也 赭音者 赤

擅音善專也 啞音骨憂兒 免音免姓也 折音去物

掘音掘 地 餅音欣 呪音英瓦器 誌音案隱言

粹音遂精也 祛音區門也 媯音母女師 呪音匿过也

鉗音乾鉄 益音暖益也 辯音鞭交也 甕音翁大器

禪音化 亦名氈 音標毛布 砢音撐毒也 闍音蛇重門

瞪音登怒目 瞢音萌不明 剗音枯 腸音虜梵語

蠢音春 動蠕音軟虫動 蛻音退 蛻音臬音交惡鳥

優婆塞弟子唐應鳳

敬刻

楞嚴尊經第七卷

四恩摠報 三有齊資

法界衆生 同圓種智

大佛頂如來密回脩證了義諸菩薩萬行首
楞嚴經卷第八

唐天竺沙門般刺密帝譯 烏長國沙門彌加什迦譯語

菩薩戒弟子前正議大夫同中書門下平章事清河房融筆受

阿難。如是衆生一一類中。亦各各具十二顛
倒。猶如捏目。亂華發生。顛倒妙圓真淨明心。
具足如斯虛妄亂想。汝今脩證佛三摩提。於
是本因。元所亂想。立三漸次。方得除滅。如淨

器中除去毒蜜。以諸湯水并雜灰香。洗滌其器。後貯甘露。云何名為三種漸次。一者脩習。除其助因。二者真備。剷其正性。三者增進。遠其現業。云何助因。阿難。如是世界十二類生。不能自舍。依四食住。所謂段食。觸食。思食。識食。是故佛說一切眾生皆依食住。阿難。一切眾生食甘。故生食毒。故死。是諸眾生求三摩提。當斷世間五種辛菜。是五種辛。熟食發熱。提。

生。啖增恚。如是世界食辛之人。縱能宣說十部經。十方天仙嫌其臭穢。咸皆遠離。諸餓鬼等。因彼食次。舐其脣吻。常與鬼住。福德日銷。長無利益。是食辛人。脩三摩地。菩薩天仙。十方善神。不來守護。大力魔王。得其方便。現作佛身。來為說法。非毀禁戒。讚媯怒痴。命終自為魔王眷屬。受魔福盡。墮無間獄。阿難。脩善提者。永斷五辛。是則名為第一增進脩行。

漸次。云何正性。阿難如是衆生入三摩地。要
先嚴持清淨戒律。永斷婬心。不餐酒肉。以火
淨食。無啖生氣。阿難是脩行人。若不斷婬及
與殺生。出三界者。無有是處。當觀婬欲。猶如
毒蛇。如見怨賊。先持聲聞四棄。八棄。執身不
動。後行菩薩清淨律儀。執心不起。禁戒成就。
則於世間永無相生相殺之業。偷劫不行。無
相負累。亦於世間不還宿債。是清淨人。備三

摩地。父母肉身不須天眼。自然觀見十方世
界。觀佛聞法。親奉聖旨。得大神通。遊十方界。
宿命清淨。得無艱險。是則名為第二增進脩
行漸次。云何現業。阿難如是清淨持禁戒人。
心無貪婬。於外六塵不多流逸。回不流逸。旋
克自歸。塵既不緣。根無所偶。反流全一。六用
不行。十方國土。皎然清淨。譬如瑠璃內懸明
月。身心快然。妙圓平等。獲大安隱。一切如來

密圓淨妙。皆現其中。是人即獲無生法忍。從是漸脩。隨所發行。安立聖位。是則名為第三增進。脩行漸次。

阿難。是善男子。欲愛乾枯。根境不偶。現前殘質。不復續生。執心虛明。純是智慧。慧性明圓。罄十方界。乾有其慧。名乾慧地。欲習初乾。未與如來法流水接。即以此心中。中流入。圓妙開敷。從真妙圓。重發真妙。妙信常住。一切妄

想滅盡。無餘。中道純真。名信心住。真信明了。一切圓通。陰處界三。不能為碍。如是乃至過去未來。無教劫中。捨身受身。一切習氣。皆現在前。是善男子。皆能憶念。得無遺忘。名念心住。妙圓純真。真精發化。無始習氣。通一精明。唯以精明。進趣真淨。名精進心。心精現前。純以智慧。名慧心住。執持智明。周徧寂湛。寂妙常凝。名定心住。定光發明。明性深入。唯進無

退名不退心。心進安然保持不失。十方如來
氣分交接。名護法心。覺明保持。能以妙力迴
佛慈光。向佛安住。猶如雙鏡光明相對。其中
妙影重重相入。名迴向心。心光密迴。獲佛常
凝。無上妙淨。安住無為。得無遺失。名戒心住。
住戒自在。能遊十方。所去隨願。名願心住。
阿難。是善男子。以真方便。發此十心。心精發
明。十用涉入。圓成一心。名發心住。心中發明。

如淨瑠璃。內現精金。以前妙心。履以成地。名
治地住。心地涉知。俱得明了。遊履十方。得無
留碍。名脩行住。行與佛同。受佛氣分。如中陰
身。自求父母。陰信冥通。入如來種。名生貴住。
既遊道胎。親奉覺胤。如胎已成。人相不缺。名
方便具足住。容貌如佛。心相亦同。名正心住。
身心合成。日益增長。名不退住。十身靈相。一
時具足。名童真住。形成出胎。親為佛子。名法

王子住。表以成人。如國大王以諸國事。分委太子。彼剎利王世子長成。陳列灌頂。名灌頂住。

阿難。是善男子成佛子已。具足無量如來妙德。十方隨順。名歡喜行。善能利益一切衆生。名饒益行。自覺覺他。得無違拒。名無瞋恨行。種類出生。窮未來際。三世平等。十方通達。名無盡行。一切合同。種種法門。得無差誤。名離

痴亂行。則於同中顯現羣異。一一異相各各見同。名善現行。如是乃至十方虛空滿足微塵。一一塵中現十方界。現塵現界。不相留碍。名無著行。種種現前。咸是第一波羅蜜多。名尊重行。如是圓融。能成十方諸佛軌則。名善法行。一一皆是清淨無漏。一真無為。性本然故。名真寔行。

阿難。是善男子滿足神通。成佛事已。純潔精

真遠諸留患。當度衆生。滅諸度相。迴無為心。
向涅槃路。名救護一切衆生。離衆生相迴向。
壞其可壞。遠離諸離。名不壞迴向。本覺湛然。
覺齊佛覺。名等一切佛迴向。精真發明。地如
佛地。名至一切處迴向。世界如來。互相涉入。
得無罣碍。名無盡功德。藏迴向。於同佛地。地
中各各生清淨因。依因發揮。取涅槃道。名隨
順平等善根迴向。真根既成。十方衆生皆戒。

本性。性圓成就。不失衆生。名隨順等觀一切
衆生迴向。即一切法。離一切相。唯即與離。二
無所著。名真如相迴向。真得所如。十方無碍。
名無縛解脫迴向。性德圓成。法界量滅。名法
界無量迴向。

阿難。是善男子。盡是清淨四十一心。次成四
種妙圓加行。即以佛覺用為己心。若出未出。
猶如鑽火。歆然其木。名為煖地。又以己心成

佛所履。若依非依。如登高山。身入虛空。下有微碍。名為頂地。心佛二同。善得中道。如忍事人。非懷非出。名為忍地。數量銷滅。迷覺中道。二無所目。名世第一地。阿難。是善男子於大菩提善得通達。覺通如來。盡佛境界。名歡喜地。異性不同。同性亦滅。名離垢地。淨極明生。名發光地。明極覺滿。名燄慧地。一切同異。所不能至。名難勝地。無為真如。性淨明露。名現

前地。盡真如際。名遠行地。一真如心。名不動地。發真如用。名善慧地。阿難。是諸菩薩從此已往。脩習畢功。功德圓滿。亦曰此地。名脩習位。慈陰妙雲。覆涅槃海。名法雲地。如來逆流。如是菩薩順行而至。覺際入交。名為等覺。阿難。從乾慧心。至等覺已。是覺始獲金剛心中。初乾慧地。如是重重單復十二方。盡妙覺。成無上道。是種種地。皆以金剛觀察。如四十種

深喻奢摩他中。用諸如來毗婆舍那清淨脩
證。漸次深入阿難。如是皆以三增進故。善能
成就五十五位真菩提路。作是觀者。名為正
觀。若他觀者。名為邪觀。

爾時文殊師利法王子。在大眾中即從座起。
頂禮佛足而白佛言。當何名是經。我及衆生
云何奉持。佛告文殊師利。是經名大佛頂悉
怛多般怛羅。無上寶印。十方如來清淨海眼。

亦名救護親目。度脫阿難及此會中性比丘
尼。得菩提心。入徧知海。亦名如來密目脩證
了義。亦名大方廣妙蓮華王。十方佛母陀羅
尼呪。亦名灌頂章句。諸菩薩萬行首楞嚴。汝
當奉持。說是語已。即時阿難及諸大眾。得蒙
如來開示密印。般怛羅義。兼聞此經了義。名
目。頓悟禪那。脩進聖位。增上妙理。心慮虛凝。
斷除三界脩心六品微細煩惱。即從座起。頂

禮佛足。合掌恭敬而白佛言。大威德世尊。慈音無遮。善開衆生微細沉惑。令我今日身心快然。得大饒益。世尊。若此妙明真淨妙心。本來徧圓。如是乃至大地草木。蠕動含靈。本元真如。即是如來成佛真躰。佛躰真定。云何復有地獄。餓鬼。畜生。脩羅。人。天。等道。世尊。此道為復本來自有。為是衆生妄習生起。世尊。如寶蓮香比丘尼持菩薩戒。私行姦欲。妄言行

姦非殺。非偷。具有業報。發是語已。先於女根生大猛火。後於節節猛火燒然。墮無間獄。瑠璃大王。善星比丘。瑠璃為誅瞿曇族姓。善星妄說一切法空。生身陷入阿鼻地獄。此諸地獄。為有定處。為復自然。彼彼發業。各各私受。惟垂大慈。開發童蒙。令諸一切持戒衆生。聞決定義。歡喜頂戴。謹潔無犯。

佛告阿難。快哉此問。令諸衆生不入邪見。汝

今諦聽。當為汝說阿難。一切衆生。寔本真淨。因彼妄見。有妄習生。因此分開。內外分。阿難。內分。即是衆生。外分。因諸愛染。發起妄情。情積不休。能生愛水。是故衆生。心憶珍羞。口中水出。心憶前人。或憐或恨。自中淚盈。貪求財寶。心發愛涎。舉躰光潤。心著行婬。男女二根。自然流液。阿難。諸愛雖別。流結是同。潤溼不升。自然從墜。此名內分。阿難。外分。即是衆

生。分外。因諸渴仰。發明虛想。想積不休。能生勝氣。是故衆生。心持禁戒。舉身輕清。心持呪印。顧盼雄毅。心欲生天。夢想飛舉。心存佛國。聖境冥現。事善知識。自輕身命。阿難。諸想雖別。輕舉是同。飛動不沈。自然超越。此名外分。阿難。一切世間。生死相續。生從順習。死從變流。臨命終時。未捨煖觸。一生善惡。俱時頓現。死逆生順。二習相交。純想即飛。必生天上。若

飛心中。兼福兼慧。及與淨願。自然心開。見十方佛。一切淨土。隨願往生。情少想多。輕舉非遠。即為飛仙。大力鬼王。飛行夜叉。地行羅刹。遊於四天。所去無礙。其中若有善願善心。護持我法。或護禁戒。隨持戒人。或護神呪。隨持呪者。或護禪定。保綏法忍。是等親住如來座下。情想均等。不飛不墜。生於人間。想明斯聰。情幽斯鈍。情多想少。流入橫生。重為毛羣。輕

為羽族。七情三想。沈下水輪。生於火際。受氣猛火。身為餓鬼。常被焚燒。水能害已。無食無飲。經百千劫。九情一想。下洞火輪。身入風火二交過地。輕生有間。重生無間。二種地獄。純情。即沈入阿鼻獄。若沈。心中有謗大乘。毀佛禁戒。誑妄說法。虛貪信施。濫膺恭敬。五逆十重。更生十方阿鼻地獄。循造惡業。雖則自招。衆同分中。兼有元地。阿難。此等皆是彼諸衆

生自業所感。造十習因。受六交報。

云何十因。阿難。一者媯。習交接。發於相磨。研磨不休。如是故有大猛火光。於中發動。如人以手自相摩觸。煖相現前。二習相然。故有鐵牀銅柱諸事。是故十方一切如來色目行媯。同名欲火。菩薩見欲。如避火坑。二者貪。習交計。發於相吸。吸攬不止。如是故有積寒堅冰。於中凍冽。如人以口吸縮風氣。

有冷觸生。二習相陵。故有吒吒波波羅羅青赤白蓮寒冰等事。是故十方一切如來色目多求。同名貪水。菩薩見貪。如避瘴海。三者慢。習交陵。發於相恃。馳流不息。如是故有騰逸奔波積波為水。如人口舌自相綿味。因而水發。二習相鼓。故有血河灰河熱沙毒海融銅。灌吞諸事。是故十方一切如來色目戒慢。名飲痴水。菩薩見慢。如避巨溺。四者瞋。習交衝。

發於相忤。忤結不息。心熱發火。鑄氣為金。如是故有刀山鐵樹。劍樹輪斧。鉞鎗鋸。如人銜冤。殺氣飛動。二習相擊。故有宮割斬斫。刺槌擊諸事。是故十方一切如來色目。瞋恚。名利刀劍。菩薩見瞋。如避誅戮。五者詐習交誘。發於相調。引起不住。如是故有繩木絞校。如水浸田。草木生長。二習相延。故有杻械枷鎖。鞭杖。搥棒諸事。是故十方一切如來色目。

奸偽。同名詭賊。菩薩見詐。如畏豺狼。六者詐習交欺。發於相罔。誣罔不上。飛心造姦。如是故有塵土屎尿穢汙不淨。如塵隨風。各無所見。二習相加。故有沒溺騰擲。飛墜漂淪諸事。是故十方一切如來色目。欺誑。同名劫殺。菩薩見誑。如踐蛇虺。七者怨習交嫌。發於銜恨。如是故有飛石投礮。匣貯車檻。甕盛囊撲。如陰毒人。懷抱畜惡。二習相吞。故有投擲擒捉。

擊射拋撮諸事。是故十方一切如來色目然
家。名虛害鬼。菩薩見怨。如飲鳩酒。八者見習
交明。如薩迦耶見。戒禁取。邪悟諸業。發於違
拒。出生相反。如是故有王使主吏證執文籍。
如行路人。來往相見。二習相交。故有勘問權
詐。考訊推鞠。察訪披究。照明善惡。童子手執
文簿。辭辨諸事。是故十方一切如來色目惡
見。尚名見坑。菩薩見諸虛妄。徧執。如臨毒壑。

九者枉習交加。發於誣謗。如是故有合山合
石碾礮耕磨。如說賊人。逼枉良善。二習相排。
故有押捺。捉按。蹙蹙。衡度諸事。是故十方一
切如來色目怨謗。同名詭席。菩薩見枉。如遭
霹靂。十者訟習交誼。發於蔽覆。如是故有鑒
見照燭。如於日中不能蔽影。二習相陳。故有
惡友業鏡。火珠披露。宿業對驗諸事。是故十
方一切如來色目覆蔽。同名陰賊。菩薩觀覆

如戴高山履於巨海。

云何六報。阿難。一切衆生六識造業。所招惡報。從六根出。云何惡報。從六根出。一者見報。招引惡果。此見業交。則臨終時。先見猛火。滿十方界。亡者神識。飛墜乘煙。入無間獄。發明二相。一者明見。則能徧見種種惡物。生無量畏。二者暗見。寂然不見。生無量恐。如是見火。燒聽。注為鑊湯。洋銅。燒息。注為黑煙。紫焰。燒

味。注為焦丸。鉄糜。燒觸。注為熱灰。爐炭。燒心。能生星火。迸洒。煽鼓。空界。二者聞報。招引惡果。此聞業交。則臨終時。先見波濤。沒溺天地。亡者神識。降注乘流。入無間獄。發明二相。一者開聽。聽種種鬧。精神愁亂。二者閉聽。寂無所聞。幽魄沉沒。如是聞波。注聞。則能為責。為詰。注見。則能為雷。為吼。為惡毒氣。注息。則能為雨。為霧。洒諸毒蟲。周滿身軀。注味。則能為

膿為血種種雜穢。注觸則能為畜為鬼為糞。
為尿。注意則能為電為雹摧碎心魄。三者孽
報招引惡果。此孽業交則臨終時先見毒氣
充塞遠近。亡者神識從地湧出。入無間獄發
明二相。一者通聞。被諸惡氣熏極心擾。二者
塞聞。氣掩不通。悶絕於地。如是孽氣衝息則
能為質為履。衝見則能為火為炬。衝聽則能
為沒為溺為洋為沸。衝味則能為餒為爽。衝

觸則能為綻為爛。為大肉山有百千眼。無量
師食。衝思則能為灰為瘴。為飛砂。碾擊碎身
躰。四者味報招引惡果。此味業交則臨終時
先見鉄網。猛焰熾烈。周覆世界。亡者神識下
透挂網倒懸其頭。入無間獄。發明二相。一者
吸氣結成寒冰凍裂身肉。二者吐氣飛為猛
火。焦爛骨髓。如是嘗味。歷嘗則能為承為忍。
歷見則能為然金石。歷聽則能為利兵刃。歷

息則能為大鉄籠。弥覆國土。歴觸則能為弓。
為箭。為弩。為射。歴思則能為飛。熱鉄從空。雨
下。五者觸報。招引惡果。此觸業交。則臨終時。
先見大山。四面來合。無復出路。亡者神識。見
大鉄城。火蛇。火狗。虎。狼。師子。牛頭。獄卒。馬頭。
羅刹。手執鎗。稍驅入城門。向無間獄。發明二
相。一者合觸。合山逼躰。骨肉血潰。二者離觸。
刀劍觸身。心肝屠裂。如是合觸。歴觸。則能為

道。為觀。為聽。為案。歴見則能為燒。為焚。歴聽
則能為撞。為擊。為刺。為射。歴息則能為括。為
袋。為考。為縛。歴嘗則能為耕。為鉗。為斬。為截。
歴思則能為墜。為飛。為煎。為炙。六者思報。招
引惡果。此思業交。則臨終時。先見惡風。吹壞
國土。亡者神識。被吹上空。旋落。乘風。墮無間
獄。發明二相。一者不覺。迷極則荒。奔走不息。
二者不迷。覺知則苦。無量煎燒。痛深難忍。如

是邪思。結思則能為方。為所結見則能為鑒。
為證。結聽則能為大。合石為冰。為霜為土。為
霧。結息則能為大火。車火船火。檻結嘗則能
為大。叫喚為悔。為泣。結觸則能為大。為小。為
一日中萬生萬死。為偃為仰。阿難。是名地獄。
十因六果。皆是衆生迷妄所造。若諸衆生惡
業同造。入阿鼻獄。受無量苦。經無量劫。六根
各造。及彼所作兼境兼根。是人則入八無間。

獄。身口意三。作殺盜婬。是人則入十八地獄。
三業不兼。中間或為一殺一盜。是人則入三
十六地獄。見見一根。單犯一業。是人則入一
百八地獄。由是衆生別作別造。於世界中入
同分地。妄想發生。非本來有。

復次阿難。是諸衆生。非破律儀。犯菩薩戒。毀
佛涅槃。諸餘雜業。歷劫燒然。後還罪畢。受諸
鬼形。若於本目。貪物為罪。是人罪畢。遇物成

形名為怪鬼。貪色為罪。是人罪畢。遇風成形。
名為魅鬼。貪惑為罪。是人罪畢。遇畜成形。名
為魑鬼。貪恨為罪。是人罪畢。遇蟲成形。名
為毒鬼。貪憶為罪。是人罪畢。遇衰成形。名
為厲鬼。貪傲為罪。是人罪畢。遇氣成形。名
為餓鬼。貪罔為罪。是人罪畢。遇幽成形。名
為魘鬼。貪成明為罪。是人罪畢。遇精為形。名
為魍魎鬼。貪成為罪。是人罪畢。遇明為形。名
為役使鬼。貪黨為

罪。是人罪畢。遇人為形。名傳送鬼。阿難。是人
皆以純情墜落。業火燒乾。上出為鬼。此等皆
是白妄想業之所招引。若悟菩提。則妙圓明
本無所有。

復次阿難。鬼業既盡。則情與想。二俱成空。方
於世間與元負人。怨對相值。身為畜生。酬其
宿債。物怪之鬼。物銷報盡。生於世間。多為梟
類。風魍之鬼。風銷報盡。生於世間。多為咎徵

一切異類。畜魅之鬼。畜死報盡。生於世間。多為狐類。蟲蠱之鬼。蠱滅報盡。生於世間。多為毒類。哀厲之鬼。哀窮報盡。生於世間。多為蛔類。受氣之鬼。氣銷報盡。生於世間。多為食類。綿幽之鬼。幽銷報盡。生於世間。多為服類。和精之鬼。和銷報盡。生於世間。多為應類。明靈之鬼。明滅報盡。生於世間。多為休徵。一切諸類。依人之鬼。人亡報盡。生於世間。多為循類。

可難。是等皆以業火乾枯。酬其宿債。傍為畜生。此等亦皆自虛妄業之所招引。若悟菩提。則此妄緣本無所有。如汝所言寶蓮香等。及瑠璃王。善星比丘。如是惡業。本自發明。非從天降。亦非地出。亦非人與。自妄所招。還自來受。菩提心中。皆為浮虛妄想凝結。復次阿難。從是畜生酬償先債。若彼酬者。分越所酬。此等眾生。還復為人。反徵其剩。如彼有力。兼有

福德。則於人中不捨人身。酬還彼力。若無福者。還為畜生。償彼餘直。阿難當知。若用錢物。或役其力。償足自停。如於中間殺彼身命。或食其肉。如是乃至經微塵劫。相食相誅。猶如轉輪。互為高下。無有休息。除奢摩他。及佛出世。不可停寢。汝今應知。彼梟倫者。酬足復形。生人道中。參合頑類。彼咎徵者。酬足復形。生人道中。參合異類。彼狐倫者。酬足復形。生人道中。參合庸類。彼毒倫者。酬足復形。生人道中。參合狠類。彼蛔倫者。酬足復形。生人道中。參合微類。彼食類者。酬足復形。生人道中。參合柔類。彼服倫者。酬足復形。生人道中。參合勞類。彼應倫者。酬足復形。生人道中。參合文類。彼休徵者。酬足復形。生人道中。參合明類。彼諸循倫。酬足復形。生人道中。參於達類。阿難。是等皆以宿債畢酬。復形人道。皆無始來。

業計顛倒。相生相殺。不遇如來。不聞正法。於塵勞中。法爾輪轉。此輩名為可憐愍者。

阿難。復有從人。不依正覺。備三摩地。別備妄念。存想固形。遊於山林。人不及處。有十種仙。阿難。彼諸衆生。堅固服餌。而不休息。食道圓成。名地行仙。堅固草木。而不休息。藥道圓成。名飛行仙。堅固金石。而不休息。化道圓成。名遊行仙。堅固動止。而不休息。氣精圓成。名空

行仙。堅固津液。而不休息。潤德圓成。名天行仙。堅固精色。而不休息。吸粹圓成。名通行仙。堅固呪禁。而不休息。術法圓成。名道行仙。堅固思念。而不休息。思憶圓成。名照行仙。堅固交遘。而不休息。感應圓成。名精行仙。堅固變化。而不休息。覺悟圓成。名絕行仙。阿難。是等皆於人中鍊心。不修正覺。別得生理。壽千萬歲。休止深山。或大海島。絕於人境。斯亦輪迴

妄想流轉。不修三昧。報盡還來。散入諸趣。
阿難。諸世間人。不求常住。未能捨諸妻妾恩
愛。於邪婬中。心不流逸。澄瑩生明。命終之後。
鄰於日月。如是一類。名四天王天。於已妻房。
婬愛微薄。於淨居時。不得全味。命終之後。超
日月明。居人間頂。如是一類。名忉利天。逢欲
暫交。去無思憶。於人間世。動少靜多。命終之
後。於虛空中。朗然安住。日月光明。上照不及。

是諸人等。自有光明。如是一類。名須臾摩天。
一切時靜。有應觸來。未能違戾。命終之後。上
升精微。不接下界。諸人天境。乃至劫壞。三災
不及。如是一類。名兜率陀天。我無欲心。應汝
行事。於橫陳時。味如嚼蠟。命終之後。生越化
地。如是一類。名樂變化天。無世間心。同世行
事。於行事交。了然超越。命終之後。徧能出超。
化無化境。如是一類。名他化自在天。

阿難如是六天。形雖出動。心迹尚交。自此已還。名為欲界。

大佛頂如來密因修證了義諸菩薩萬行首楞嚴經卷第八終

綻音湛開。一稍音朝。長牙俾音至。置也。

割音至。刃肉魘音拔。旱一。魘音演。夢語。

剩音盛。餘也。狠音恨。很同。

佛弟子

孫守達 孫守學 錢希文 汪尚春

施海藏 張遇顏 張遇喬 師大先

梅宜壽 張國秀 施志二 彭士高

湯可九 李番春 李中元 發心同祥

Figure 1



